



Müstair, 25.03.2020 RL/nm/jf

Virus da Corona

Infuormaziun dal stab da crisa dal cumün da Val Müstair

Stadi 23.03.2020

(fögl volant in tuot las chasadas e sülla pagina d'internet dal cumün da Val Müstair www.cdvm.ch)

Stimadas convaschinas / stimats convaschins

Sün quista via vulessan nus, sper tuot las infuormaziuns da las medias, dar ün pêr infuormaziuns davart dal cumün da Val Müstair e'l center da sandà.

- Il cumün da Val Müstair ha installà ün **stab da crisa** chi s'occupa da la situaziun speciala.
- Tuot las **butias illas fracziuns**, chi spordschan ils prodots dal minchadi, sun avertas e spordschan il sortimaint üsità. Las butias spordschan eir ün servezzan da postaziun per telefon ed ün servezzan da furniziun in chasa. Pels sclerimaints da detagl esa da consultar la butia correspondententa (**contacts vair pagina 2**).
- **L'apoteca** i'l center da sandà e la **drogaria / apoteca** Parc Rom sun avertas.
- Per infuormaziuns pro **malesser** e dumondas in connex cun la **sandà** giavüschaina da contactar il center da sandà, nr. da telefon 081 / 851 61 00.
- **Fanestrigl büro da cumün**: Ils servezzans vegnan sports, sco comunicà sülla pagina d'internet suot virus da corona, da lündeschdi fin venderdi, 10.00 – 12.00 / 14.00 – 16.00, però be sün via da telefon, posta obain e-mail, nr. dal telefon 081 / 851 62 00. **Nus eschan quia per Vus e per Vossas dumondas.**
- **Affarists** chi han dumondas, o chi douvran agüd in connex cun perditas d'entrada pervi da la serrada obain lavur cuorta, pon consultar l'administraziun cumünala. In collavuraziun cun las instanzas chantunalas vegnan tscherchadas soluziuns.

Infuormaziuns dal center da sandà Val Müstair (pratcha, ospidal acut, chasa da chüra, spitex)

- Sco adüna eschan nus qua d'urant 24 uras al di per tuot ils problems da sanità. Controllas da rutina vegnan spostadas.
- Per nossa sgürezza e per la sgürezza da noss paziants portain nus mascras (per infectar ad ingün).
- Nus lavurain in differents turnus per impedir l'infecziun reciproca; perquai nun es tuot il personal ragiundschaibel in mincha mumaint.

Cumportamaint pro simptoms dad üna malatia respiratorica

p.ex. la tuoss, mal la gula, avair flà cuort cun o sainza feivra.

- Per paziants cun üna gronda sensibilità da malatia o per paziants cun grond ris-ch da cumplaziuns in greivs cas da malatia: telefonar i'l Center da sandà Val Müstair: 081 851 61 00.
- Per paziants cun leiva sensibilità da malatia: isolaziun persunala fin 48 uras. Davo cha'ls simptoms tschessan, almain 10 dis.

Cumportamaint per il contact cun personas simptomticas: isolaziun persunala

Contacts cun personas amaladas (chi vivan illa listessa chasada e contacts intims) i'l temp ingiò chi's d'eira amalà o 24 uras avant.

Dürada da l'isolaziun, scha la persuna es svesc sana: 10 dis.

Tests per il virus corona

Il nomer da tests es limità. Da quai nan as examina paziants cun greivs simptoms, paziants cun grond ris-ch da cumplaziuns e persunal da sanità. Il meidi chi tratta decida.



Virus da Corona, numers da telefon per la cumprita dals prodots dal minchadi:

- Butia da cumün, Tschierv 081 858 54 20
- Butia da cumün, Fuldera 081 850 37 76
- Butia da cumün, Valchava 081 858 51 86
- Butia Volg, Sta. Maria 081 858 51 19
- Butia Meierbeck, Sta. Maria 081 858 51 16
- Bacharia Saxer, Sta. Maria 081 858 56 67
- Supermarchà Conrad, Müstair 081 858 56 73
- Pastizaria-furnaria Caterina Bott, Müstair 081 850 37 37
- Parc Rom, Müstair 081 858 56 80
- Denner, Müstair 081 858 52 80
- Apoteca center da sandà 081 851 61 00 (attenziun, uraris d'avertüra)
- Apoteca / drogeria Parc Rom 081 858 56 80 (attenziun, uraris d'avertüra)
- Pratcha cun apoteca dr. med. Curdin Tschenett, Müstair 081 858 59 22 (attenziun, uraris d'avertüra)
- Destillaria Beretta, Tschierv 079 207 00 39 (material per dischinfectar)
- Destillaria G. Sommer, Sta. Maria 076 422 03 08 (material per dischinfectar)

Voluntaris:

Voluntaris chi han las capacitats, e chi nu pertoccan a la gruppa da ris-ch, pon s'annunzchar pro l'administraziun cumünala. Quella pissera per la coordinaziun cun las instituziuns chi han dabsögn dal agüd.

Nus nu vulessan però interlaschar da render attent, cha minchüna e minchün es in dovair da s'infuormar sves e da tgnair aint las ordinaziuns chi vegnan relaschadas da la Confederaziun e dal Chantun. Quellas sun impegnativas pel cumün, sco eir per tuot la populaziun, eir sainza comunicaziun directa ed individuala a minchüna ed a minchün.

Tuot las infuormaziuns dal cumün, cul linc sün la pagina dal uffizi federal da sandà BAG, as chatta sün nossa pagina d'internet suot www.cdvm.ch / virus da corona.

Grazcha fich per Lur incletta e per l'attenziun

Cumün da Val Müstair
Stab da crisa